

an stat wolt bliben vntz an  
den tot. Da von wz si wurdig  
dz d' engel zú ir wurd gefant  
¶ **Er** sprichet Beda. Ez fúget  
sich wol vñ wz och billich wō  
ain engel zem ersten den val  
geriet. da nēmet er den tüvel  
ain engel. da von won er ain  
engel wz. vñ engel nature  
hatte. Won d' engel vnd der  
tüvel hant gleich nature vñ  
da von so sprichet er. wō ain  
engel den ersten val geriet.  
d' mágde in dem paradylse.  
¶ **Vron.** Euen. dv noch do magt  
wz. Dar vmb fúget ez sich  
wol. dz och ain engel zú der  
mágde wurdig gefant. vō der  
Göt wolt geboren wolt wō  
den. ¶ **S**it sich vnser vnhaul  
an hüp von dem bösen engel  
sprichet er d' vnsern val ge  
riet. so wz och billich dz vnser  
erlösung gekündet wurde  
von ain engel. ¶ **S**o dē an  
dern male ist si gelopt dar  
an. dz si wol behót wz. daz  
merkēt wir dar an. daz er

sprichet. dz d' engel in gie.  
Dz ist ain zachen. dz er si  
inne vant. vñ nit an der  
strasse. noch an dem velde.  
¶ **H**er vō spricht dv gloze. Er  
vant si aine. vñ swer sich  
wol behóten welle. der sol  
an d' aini sin. vñ sol gerne  
inne sin. vñ sol nit vñ vn  
dig sin. ¶ **E**r spricht ain  
and' leter. vō dz wort. wō  
si Got ir magtóm hatte  
gelobt. vñ ir künslch. da vō  
fúgt ez sich wol. dz si sich in  
hót hetti. vñ sw künslch  
wil bliben sprichet er an  
like. vñ an hertzen. d' mōz  
sich ze allen ziten in hót  
han. sin gesiht sin gehóde.  
vñ alle sin sinne. wō swē  
ne d' menssch wz d' hót kō  
met. so mag er vil lichte si  
ne künslch vlieten. vñ da  
bi sol sol ain ieglich mēsch  
geleret sin dz künslch wil  
sin. dz ez sich ze allen ziten  
in hót hale. vñ gern ine  
an d' aini si. won swer vil